

Expresiones del poder nun paisaxe rural del occidente asturianu [II]

Segunda intervención arqueolóxica n'El Palaciu (La Puela, Ayande)

Dirección: Andrés Menéndez Blanco [I]


Equipu [II]: Valentín Álvarez Martínez [III], Laura Gago Chorén [IV], Noelia Fernández Calderón [V], Jesús García Sánchez [VI], Jesús Ignacio Jiménez-Chaparro [VII], Riccardo Santeramo [VIII], Santiago Rodríguez Pérez [IX]

Programa de subvenciones para investigaciones arqueológicas de la Consejería de Educación y Cultura del Principado de Asturias

Textos y deseñu: Andrés Menéndez Blanco (Xénova, 2023)

Introducción

Nel 2023 desenvolvióse la segunda campaña arqueolóxica n'El Palaciu (palaciu de Cienfuegos y Peñalba), ente La Puela y Cimalaviña (Ayande). Estos trabayos inxértense nel programa d'actuaciones del proxecto TemPa [X], qu'analiza los cambios del paisaxe nel suroccidente asturianu dende'l sieglu XVI hasta l'actualidá. L'**obxectivo xeneral** d'estes actuaciones yera avanzar na reconstrucción diacrónica del palaciu, la so contorna y los dos núcleos de población inmediatos. Los **obxectivos particulares** yeren dos: 1) Verificar y caracterizar arqueológicamente delles anomalíes detectaes nes prospecciones xeofísiques nel 2022; y 2) Ampliar la prospección con xeorrádar y magnetómetro a les güertes de La Casina, más cerca del llugar de Cimalaviña, onde identificáramos una estructura na escavación del 2022. Aparte de lo anterior, ente los llabores d'esta campaña incluyóse un análisis más detalláu por persones especialistes de los materiales y muestras recoyíes nes dos intervenciones.



Sondeo 4200. Documentamos dos furacos pa várganos y cantidá de cerámiques, toes medievales. Les dataciones por ^{14}C de dos carbonos nos rellenos de los furacos señalen una cronoloxía pleno-baxomedieval.



Sondeo 4100. Topamos evidencias d'una posible estructura muraria de difícil interpretación y cronoloxía desconocida. Consérvase solo una lliña de bloques y un rellenu de cantos y barru qu'esperamos entender meyor cola escavación futura d'una área más amplia.



Sondeo 3100. Documentáronse restos estructurales medievales, compuestos por una filada de bloques de piedra, un furacu pa fincar un várganu y un posible suelu de tierra compactada.

Actuaciones

La **prospección xeofísica** permitió detectar varies estructuras nueves, onde resalten una serie de lliñes que delimiten formes cuadrangulares. Ente elles hai formes simples o formando conxuntos que podrían ser construcciones complexes. L'anomalía más suxestiva ye una posible cárcava defensiva que separa'l llombu d'El Palaciu del llugar de Cimalaviña. Sicasí, entá nun tenemos datos abondos p'avanzar na caracterización crono-funcional d'estos elementos. Los **escavaciones** centráronse en cuatro sondeos onde detectáramos anomalíes de distintos tipos nel 2022. Dos abriéronse nel prau d'El Chanu, na parte cimera del llombu, y otros dos nel prau de Las Almenas, al suroeste del Palaciu.



Sondeo 3200. Los niveles documentaos son depósitos y estructuras del sieglu XX.

Conclusiones

L'actuación mostró una gran potencialidá arqueolóxica na contorna de La Casina y confirmó la existencia de fases anteriores a les obres del sieglu XVI nel llombu d'El Palaciu. La bona conservación d'una parte de los restos medievales contrasta amás col arrasamientu documentáu na campaña del 2022 nel interior del palaciu. Refuérzase con ello la hipótesis d'una fortificación anterior que condicionó la construcción del palaciu actual desplazada al sueste de la cima. Con too y con ello, tovía ye necesario definir y caracterizar toos estos restos pa construír una interpretación consistente de les tresformaciones del paisaxe de la capital ayandesa.

Notes

- [I] Investigador contratáu postdoctoral. Universidá d'Uvieu / Università degli Studi di Genova.
- [II] El proxecto cuenta amás cola asesoría externa de Margarita Fernández Mier (Grupu Llabor, Universidá d'Uvieu), David González-Álvarez (INCIPIIT-CSIC), José Manuel Costa-García (Universidá de Salamanca) y Daniel Menéndez Blanco (arquitectu), y col apoyu de l'asociación Eixe Cultural Ayandés.
- [III] Técnico arqueólogo.
- [IV] Investigadora arqueóloga, contratada predoctoral. Università degli Studi di Genova.
- [V] Arqueóloga / restauradora.
- [VI] Investigador arqueólogo, IAM-CSIC.
- [VII] Investigador arqueólogo, Universidá de Cantabria.
- [VIII] Técnico antracólogo. Università degli Studi di Genova.
- [IX] Investigador arqueólogo, contratáu predoctoral. Grupu Llabor, Universidá d'Uvieu.
- [X] "La Temporalidad en el Paisaje. Arqueología de las prácticas de gestión de los recursos y del poblamiento rural en la montaña asturleonés entre los siglos XVI y XXI", vinculáu al contratu postdoctoral d'Andrés Menéndez-Blanco, financiáu pol Ministeriu de Universidades (ayudes "Margarita Salas") con fondos de la Unión Europea-NextGenerationEU.



Les actuaciones descrites cuntaron cola ayuda económica del Programa de subvenciones pa investigaciones arqueolóxiques de la Consejería d'Educación y Cultura del Principado d'Asturies

Actuaciones inxertes nel proxecto d'investigación TemPa:



Colabora:



Planimetría cola situación de los sondeos y zones prospectaes.